

Item in einer Tonnen liegen 36. schliche Hering/ hest je ein
schicht 40. Fisch/ wieviel sind der Hering in allem in der Tonnen?
Sact 1440.

Diffals könnte man auch bey nahe rechnen/ wieviel Tropffen
in ein Maß were oder gienge/ solcher gestalt/ Ich setz ein Maß hal-
te 4. Almer 35. mas/ nimbe ein klein Geschirre/ nemlich ein Eche-
tele/ das ist der achte theil einer Mas / vnd laß es tropffen weiß
heraus lauff/ befind 1726. Nun mach Almer vnd Mas zu Echele/
vnd Multiplirs mit den Tropffen / so kompt dein Sact Nembs-
lich 4017128. Tropffen.

Item einer frage scherzweiß vnd sagt: Ich hab ein Haus/
das hat 12. Kammer/ in jeder Kammer stehen 6. Truhen / vnd
jedwedere hat 12. Lädlein/ inn jeglichem liegen 15. Pfening / wie-
viel Pfening sind in allem? Sact 12960. Pfening.

Item 1. fl. wieviel hat er Baken vnd Creuzer: Darnach
Pfening vnd Heller? Sact 15. Baken 60. Creuzer 252. Pfens-
ning 504. Heller

Item 17. fl. 5. Pfund 6. Pfening 1. hl. wieviel machens
Heller? Sact 8881.

Item 8. fl. wieviel thuns Creuzer/ vnd Baken/ Item wie-
viel machens Pfening vnd Heller? Sact: erstlich 120.
Baken/ oder 480. Creuzer/ darnach 2016. Pfening/ oder 4032
Heller.

Item wieviel hat ein Centner (vermöß der Resolution)
Pfund Lot Quinlein Pfening vnd Heller Gewichte? vnd ein
Mark Silber/ wieviel hats Lot Quinlein Pfening vnd Hel-
ler Gewichte?

C Cent.